

III - BESTE ADMINISTRAZIO PUBLIKOAK

HERRI-KONTUEN EUSKAL EPAITEGIA

Erabakia, Herri-Kontuen Euskal Epaitegiaren osokoak 2021eko uztailaren 19ko bilkuran hartutako Amurrioko Udalaren fiskalizazio txostena, 2019koa, behin betiko onesten duena

Herri-Kontuen Euskal Epaitegiaren Osokoak 2021eko uztailaren 19an egindako bilkuran:

ERABAKI DU

Amurrioko Udalaren fiskalizazio txostena, 2019koa, behin betiko onestea, erabaki honen eranskin modura ageri dena.

HKEEren 1/1988 Legearen 13.2 artikulua aurreikusten duena betez, txostenaren ondorioak dagozkion aldizkari ofizialetan argitaratzeko xedatzea.

Vitoria-Gasteiz, 2021eko uztailaren 19a

HKEEren lehendakaria
JOSÉ LUIS BILBAO EGUREN

HKEEren idazkari nagusia
JULIO ARTETXE BARKIN

ERANSKINA

AMURRIOKO UDALAREN FISKALIZAZIOTXOSTENA, 2019

Laburdurak.

AASS: Arau Subsidiarioak.

AFA: Arabako Foru Aldundia.

ALH: Arabako Lurralde Historikoa.

ALHAO: Arabako Lurralde Historikoaren Aldizkari Ofiziala.

AO: Administrazio Orokorra.

BPG: Barne Produktu Gordina.

EA Erakunde Autonomoa.

EAE: Euskal Autonomia Erkidegoa.

ED: Errege Dekretua.

EIOZ: Eraikuntzen, Instalazioen eta Obren gaineko Zerga.

EPE: Enplegu Publikoaren Eskaintza.

FA: Foru Araua.

FAg: Foru Agindua.

FEDER: Eskualdearen Garapen Ekonomikorako Europako Funtsa.

FOFEL: Toki Erakundeak Finantzatzeko Foru Funtsa.

GLL: Gizarte Larrialdietarako Laguntzak.

GODG: Gastu orokorretarako diruzaintza geldikina.

HAPO: Hiri Antolaketako Plan Orokorra.

HHS: Hiri-hondakin solidoak.

HILBIZ: Hiri Izaerako Lursailen Balio Igoeraren gaineko Zerga.

HKEE: Herri-Kontuen Euskal Epaitegia.

JEZ: Jarduera Ekonomikoen gaineko Zerga.

LZ: Lanpostuen zerrenda.

OHZ: Ondasun Higiezinaren gaineko Zerga.

PFEZ: Pertsona Fisikoen Errentaren gaineko Zerga.

TAOAL: 7/1985 Legea, apirilaren 2koa, Toki Araubidearen Oinarriak Arautzen dituen.

TMIZ: Trakzio Mekanikodun Ibilgailuen gaineko Zerga.

TTEE: Toki Entitateak.

I. Sarrera

Herri-Kontuen Euskal Epaitegiak otsailaren 5eko 1/1988 Legeak eta Epaitegiaren Osoko Bilkurak onetsitako Lan Programak agindutakoari jarraikiz, Amurrioko Udalaren 2019ko Kontu Orokorraren fiskalizazio-lana mamitu du.

Fiskalizazio-lan honek honako alderdi hauek besarkatzen ditu:

– Legezketasuna: aurrekontuaren honako atal hauetan ezargarria den arautegia bete izana: aurrekontua, zuzenbide publikoko sarrerak, zorpetzea eta finantza-eragiketak, langileria, obren kontratazioa, zerbitzuak eta hornidurak eta dirulaguntzen emakida. Azterketa lan hau fiskalizazioaren ekitaldiari dagokio, beharrezko irizten diren beste ekitaldi batzuei buruzko egiaztatzeak egitea kaltetu gabe, fiskalizazio-gai den ekitaldian eragina dutelako.

– Kontabilitatea: Kontu Orokorra ezargarri zaizkion kontularitzako printzipioekin bat dato-rra egiaztatzea. Kontu Okorrak honako hauek besarkatzen ditu: Udalaren eta bere erakunde autonomoaren balantzea, ekonomiaren eta ondarearen emaitzaren kontua eta oroitidazkia ez ezik, Udalaren eta bere erakunde autonomoaren adierazitako egoerak eta aurrekontuaren likidazio bateratua ere bai.

– Lanaren zabalak ez du gastuaren efikazia eta efizientziari buruzko azterlan berariazkorik besarkatu; ezta, kudeaketa prozedurei buruzkorik ere. Alabaina, fiskalizazioan sortu diren alderdi partzialak Txosten honen III. Idazpuruan aztertu ditugu.

– Udalaren egoera ekonomikoaren finantza analisia.

Amurrioko Udalak 10.350 biztanle zituen 2019ko urtarrilaren 1eko biztanleen udal eroldaren arabera, eta antolamenduan Udalaz gain Amurrioko Udalaren Musika Fundazioa erakunde autonomoa eta Amurrio Bidean S. A. sozietate publikoa (Udalaren partaidetza ehuneko 100) barne hartzen ditu.

Horrezaz gain, Aiarako Kuadrillako atal da (hiri-hondakin solidoak kudeatzeko eta ekonomia eta enplegua sustatzeko zerbitzuak, besteak beste), eta Kantauriko Urkidetza partzuergokoa (uraren ziklo integralaren kudeaketa) eta Haurreskolak partzuergokoa (haurtzaindegien kudeaketa).

II. Iritzia**II.1. Legea betetzeari buruzko iritzia.**

Langileria.

1. Udalak aldi baterako kontratazioak egin ditu behin eta berriz udal eskola artistikoko plantillaren egiturazko beharrei aurre egiteko. Horren ondorioz, 2019an zazpi langilek lan-kontratu mugagabe ez finkoko langile izaera hartu dute.

Kontratazioa.

2. Udalak 2019ko ekitaldian energia elektrikoa hornitzeko zerbitzua kontratatu zuen, guztira 345.242 euroren zenbatekoan, esleipen prozedurari dagozkion betekizunak saihestuta eta publikotasun eta lehia printzipioak urratuz. Kontratazio hori, baina, arautze harmonizatuari lotutako kontratueterako aurreikusitako izapidetzeari meneratu behar zitzaiokeen.

3. Udalak Bañueta kiroldegiaren kudeaketari dagozkion 327.575 euroren gastuak egikaritu ditu, 2017ko urtarrilaren 1etik 2019ko abenduaren 31ra bitartekoak, kontratuaren indarraldia amaitu eta esleipen berria indarrean jarri artekoak.

4. 2019ko ekitaldian Udalak bi zerbitzuri zegozkien gastuak egikaritu zituen kontratuen indarraldia amaitu ostean, 136.993 euroren zenbatekoan.

Epaitegi honen iritzira, Amurrioko Udalaren Kontu Orokorra osatzen duten erakundeek, 1etik 4ra bitarteko paragrafoetan aipatutako ez-betetzeak alde batera, zuzentasunez bete dute 2019ko ekitaldian ekonomia eta finantzaren jarduera arautzen duen lege araudia.

II.2. Urteko kontuei buruzko iritzia.

1. Hona hemen Udalaren Gastu Orokorren Diruzaintza Geldikinean eta Ondare Garbian eragina duten doiketak 2019ko abenduaren 31n:

KONTZEPTUA	EUROAK MILAKOTAN			
	GODG	ONDAREKOA		
		AKTIBOA	PASIB.	OND. GARBIA
Hiri-hondakin solidoen bilketa, garraio eta deus. tasak, 2016 eta 2017	705	705	—	705
Ibilgailuak sartu eta aparkatzeko erreserbegatikoko gehiegizko tasak	(56)	(56)	—	(56)
Lurzoru, zorupe edo hegalaren aprob. bereziag. tasak, kontab. gabe	—	211	—	211
Bañueta kiroldegiaren 2019ko defizita kontabilizatu gabe	—	—	140	(140)
Zalantza kobragarritas. saldoen balioespenaren zuzenketa	—	358	—	358
Aurrekontuari egozteko dauden fakturak	(413)	—	—	—
Erregularizatzeko dauden aurrekontuz kanpoko hartzekod. saldoak	80	—	(80)	80
Erregularizatzeko dauden aurrekontuko hartzekodunen saldoak	291	—	(291)	291
GUZTIRA	607	1.218	(231)	1.449

2. Udalak ez ditu 2015az geroztik HILBIZen likidazioak egin, eta ez ditu onartu 2020ko ekitaldira arte hiri-hondakin solidoak bildu, garraiatu eta ezabatzeko zerbitzua emateagatik 2019ko tasak, 395.839 eurorenak; honenbestez, diru-sarrera horiek ez dira kontabilitatean erregistratu.

3. Kontu Orokorrek ez du eman lurzati baten erosketa-prezioa -797.562 euro- geroago ordaintzeari buruz dagoen konpromisoaren berri, eta horri 2006ko irailaren 30etik aurrera sortutako interesak gehitu behar zaizkio.

Epaitegi honen iritzira, 1etik 3. paragrafora bitartean adierazitako salbuespenak alde batera, Amurrioko Udalaren Kontu Orokorra osatzen duten erakundeen kontuek alderdi esanguratsu guztietan erakusten dute 2019ko ekitaldiaren jarduera ekonomikoa eta abenduaren 31ko ondarearen eta finantza egoeraren isla zuzena; baita, data horretan amaitutako urteko ekitaldiari dagozkion bere eragiketen eta eskudiruzko fluxuen emaitzena ere, ezargarria den finantza informazioaren arau-esparruaren arabera eta, zehazki, araudian jasotako kontularitzako printzipioen eta irizpideen arabera.

III. Barne kontroleko sistemei eta kudeaketa-prozedurei buruzko irizpenak

Atal honetan jasotzen dira jarduera ekonomikoa eta finantzarioa arautzen duten printzipioak betetzea nabarmen eragiten ez duten akatsak eta kudeaketa hobetzeko agerian jartzen diren prozedura-alderdiak.

III.1. Aurrekontua eta kontabilitatea.

– 2019ko ekitaldirako Aurrekontu Orokorra ez zen behin betiko onartu 2018ko abenduaren 31 baino lehenago, ezargarria zaion aurrekontuko araudiak agintzen duen moduan.

– 2019ko Kontu Orokorra ez zaio Osoko Bilkurari onartzeko aurkeztu 2020ko azaroaren 26ra arte.

– Udalaren eta Amurrioko Udalaren Musika Fundazioaren aurrekontu-likidazioek aplikatu beharreko aurrekontu-araudiak eskatzen duen dokumentazioaren zati bat baino ez dute jasotzen banaka, eta gainerakoa bi erakundeen datu bateratuekin aurkezten da.

– Kontu orokorra osatzen duten gainerako egoerak eta urteko kontuak ere ez dira banaka egiten, bateratuta baino ez dira aurkezten.

– Aurrekontu-emaizta doitua kalkulatzeko, ekitaldi itxieran metatutako finantzaketa-desbideratzeak (193.536 euro) hartu dira kontuan, eta ez ekitaldiko desbideratzeak. Azken horiei dagokionez, positiboak dira 107.065 euro, eta ez zeinu negatibokoak, 77.038 euro; horrek esan nahi du aurrekontuaren emaitza doitua likidazioan aurkeztutakoa baino 86.471 euro handiagoa dela. Zuzenketa horiek ez dute eraginik Gastu Orokorretarako Diruzaintza Geldikinean.

– Gastu-araua betetzeari dagokionez, 2019ko Kontu Orokorrean jasotako kalkulua egiteko, aurrekontuan jasotako zenbatekoak hartzen dira kontuan, ez benetan gauzatutako gastuak, eta, oker, ondorioztatzen da ez dela legezko muga gaingitzen eta ez dela nahitaezkoa plan ekonomiko eta finantzario bat onartzea. 2020ko ekitaldiari dagokion aurrekontuari buruzko kontu-hartzailetza txostenak agerian uzten du ez dela bete gastu-araua, eta 2020ko irailaren 24an Osoko Bilkurak plan ekonomiko eta finantzario bat onartu du urte horretarako eta hurrengo urterako.

– Udalaren eta Amurrioko Udalaren Musika Fundazioa erakunde autonomoaren aurrekontu plantillek ez dituzte kreditu zuzkidurak oinarritzko ordainsari, lanpostu mailako osagarri eta berariazko osagarriaren arabera antolaturik zerrendatzen.

III.2. Langileria.

– Udaleko lanpostuen zerrendan ez dago Diruzaintza izeneko lanposturik, gaikuntza nazionala duten toki-administrazioko funtzionarioentzat erreserbatuta. Hori nahitaezkoa da, udal-idazkaritza bigarren mailan sailkatuta baitago.

– Amurrioko Udalaren Musika Fundazioaren LZk ez du adierazten lanpostuak funtzionarioentzat, lan-kontratudun langile finkoentzat edo behin-behineko langileentzat erreserbatuta dauden, ezta esleitutako hizkuntza-eskakizuna eta derrigortasun-data ere.

– Aipatutako LZko lanpostu guztiak hutsik daude. Amurrioko Udalaren Musika Fundazioak aldi baterako kontratazioen bidez betetzen ditu bere langile-beharrizan guztiak, eta plantillaren batez besteko antzintasuna, 2019ko itxieran, 15 urtekoa da.

III.3. Transferentziak eta emandako dirulaguntzak.

Udalak ez du dirulaguntzen plan estrategikorik, eskuratu asmo diren helburu eta ondorioak, horiek lortzeko behar den epea, aurreikusgarri diren kostuak eta finantzaketa iturriak zehaztuko dituena.

III.4. Kontratazioa.

Udalak ez ditu udal kudeatzaileen eta zerbitzu-kontratuen esleipendun diren enpresetako langileen arteko harremana argitzeko eskatutako jarraibideak ebatzi, lan harreman baten aitortza eragin zezaketek ekintzak erabakigarri izatea saihestearren.

Kontratazio-espedienteak.

Fiskalizazio-gai izan den urtean indarrean zeuden zazpi kontratu aztertu ondoren, honako alderdi hauek azaleratu zaizkigu:

– Guztira 1,4 milioi euroren zenbatekoan esleitutako hiru kontratutan (3, 4 eta 7 espedienteak) honako akats hauek azaleratu dira pleguetan barne hartutako esleipen irizpideetan:

* Kontratu batek (4 zk. espedienteak) esleipen irizpide modura hobekuntza teknikoak jasotzea barne hartzen zuen, zein elementuren gainean eta zein baldintzatan baimentzen den horiek egitea zehaztu gabe.

* Kontratu baten pleguetan barne hartutako formula aplikatzean (7 zk. espedienteak), prezio batek lizitazio tipoa berdinduz gero, puntuazio positiboa eskuratuko luke eskaintza ekonomikoaren irizpidea baloratzean. Beste bi kontratutan (3 eta 4 zk. espedienteak) asebetetze-atala-seak finkatzen dira irizpide hori baloratzean eta horrek eskaintza ekonomikoagoak eskuratzeko pizgarria kentzen du.

– Guztira 677.833 euroren zenbatekoan esleitutako bi kontraturen pleguek (1 eta 7 zk. espedienteak) ez dute apirilaren 7ko 3/2016 Legeak agindutako hainbat ohar edo informazio jasotzen, kontratazio publikoan klausula sozial jakin batzuk barne hartzeari dagokionez. Gainera, aipatutako kontratuen eta beste baten -833.615 euroan esleitutakoa (2 zk. espedienteak)- esleipen-ebazpenek ez dute ezargarria den hitzarmen kolektiboari buruzko informaziorik jasotzen, aipatutako arauak agintzen duen moduan.

– Hiru kontraturen behin betiko bermearen zenbatekoa kalkulatzeko (3, 4 eta 7 zk. espedienteak), guztira 1,4 milioi euroan esleitutakoetan, urte-sari bakar bat hartu zen kontuan eta ez kontratuak egikaritzeko epea osotara, lau urte, alegia. Kasu batean (4. espedienteak), esleitutako prezioa, bai esleipen-ebazpenean bai formalizatutako kontratuan, urteko bakarrekoa zen.

– Urte eta erdiko atzerapenez hartu zen obra bat (1. espedienteak), egikaritze-epea 5 hilabetezko zuelarik. Ez da jaso epea eteteko edo luzatzeko aktarik.

– Beste kasu batean (2. espedienteak), behin obrak egiteko epea, 4 hilabetezkoa, amaitu ondoren, epe hori beste 4 hilabetez luzatzeko erabakia hartu zen, eta, ondoren, 5 hilabetezko atzerapena gertatu zen lanak jasotzean, eta ez da jasota geratu beste epe-luzapenik onartu zenik edo kontratistari zigorrik ezarri zitzaionik. Egikaritzeko epea murriztea izan zen baldintza-agirietan jasotako esleipen-irizpideetako bat.

Administrazio-kontratazioko espedienterik gabeko gastuak.

– Udalak 2019ko ekitaldian hornidura bati eta zerbitzu bati zegozkion gastuak kontratatu zituen, guztira 78.509 euroren zenbatekoan, nahitaezko prozedurak izapidetu gabe; kopuruak aintzat hartuta, prozedura horiek ireki erraztu laburtuak izan zitezkeen.

– 2019ko ekitaldian Udalak zerbitzu bati zegozkion gastuak egikaritu zituen kontratuaren indarraldia amaitu ostean, 33.545 euroren zenbatekoan.

III.5. Beste batzuk.

– Udalak ez du gordailu bat eratu bere izenean dagoen kontu berezi batean, diru-sarrera ekonomikoak sortzen dituzten erabilera eta aprobeixamendu menditar guztien zenbatekoaren ehuneko 15ekin, eta hori mendiak hobetzearekin lotutako inbertsioetarako bakarrik erabili ahal izango da. 2019ko ekitaldian, hobekuntza-funts horretara 84.146 euro bideratu ziren.

IV. Finantzaren Analisia

Udalak eta bere erakunde autonomoak azken ekitaldian likidatutako magnitude nagusien bilakaera honako taula honetan dago zehaztua.

	EUROAK MILAKOTAN			EUROAK BIZTANLEKO		
	URTEA			URTEA		
	2017(*)	2018(*)	2019	2017	2018	2019
Zerga zuzenak, zeharkakoak eta tasak (1, 2 eta 3 kap.)	4.595	4.791	5.109	447	466	494
Transferentzia eta dirulaguntza arruntak (4. kap.)	6.286	6.379	7.053	611	620	681
Ondare sarrerak (5. kap.)	157	500	718	15	48	69
A. Sarrera arruntak	11.038	11.670	12.880	1.073	1.134	1.244
Langile-gastuak (1. kap.)	4.325	4.559	4.803	420	443	464
Ondasun arrunten erosketa eta zerbitzuak (2. kap.)	4.239	4.219	4.569	412	410	441
Transferentzia eta dirulaguntza arruntak (4. kap.)	1.507	1.556	1.629	147	151	157
B. Funtzionamendu-gastuak	10.071	10.334	11.001	979	1.004	1.062
Aurrezki gordina (A-B)	967	1.336	1.879	94	130	182
— Gastu finantzarioak (3. kap.)	—	—	—	—	—	—
Emaizta arrunta	967	1.336	1.879	94	130	182
— Maileguen amortizazioa (9. kap.)	202	122	122	20	12	12
Aurrezki garbia	765	1.214	1.757	74	118	170
Inbertsio errealeen besterentzea (6. kap.)	37	21	79	3	2	8
Jasotako kapitaleko dirulaguntzak (7. kap.)	730	1.004	443	71	97	43
— Inbertsio errealak (6. kap.)	2.595	1.084	1.231	252	105	119
— Emandako kapitaleko dirulaguntzak (7. kap.)	67	55	15	6	5	2
Kapitalezko eragiketen emaitza	(1.895)	(114)	(724)	(184)	(11)	(70)
Eragik. ez finantzarioaren emaitza (1etik 7rako kap.)	(928)	1.222	1.155	(90)	119	112
Diruzaintza geldikina	5.315	6.244	7.151	516	607	691
Gastu orokorretarako diruzaintza geldikina	5.204	6.055	6.853	506	589	662
Zorpetzea	244	122	—	24	12	—

(*) HKEEK fiskalizatu gabeko datuak.

Sarrera arruntak: 2018an ehuneko 6 egin dute gora aurreko ekitaldiaren aldean eta 2019an ehuneko 10tik gorako igoera osagarri handiagoa erregistratu du; honenbestez, aztertutako aldiaren guztira ehuneko 17 inguruko bariazioa positiboa izan dute. Hona hemen bariazio azpi-marragarrienak:

— Zerga zuzenak, zeharkakoak, tasak eta bestelako sarrerak: Bilakaera diru-sarrera arruntak oro har izandakoaren antzekoa da, nahiz eta urtetik urterako aldakuntzak (ehuneko 4 eta ehuneko 7) eta aztertutako aldiaren izandako guztizko gehikuntza (ehuneko 11) apalagoak izan. Igoera hori EIOZak bildu, garraiatu eta deuseztatzeke zerbitzuari eta ibilgailuak espaloietatik sartzeagatik aprobeztxamendu bereziari dagozkien tasei lotuta dago. Azken tasa horren kasuan, bariazio-tasa ez da erreala, baizik eta 2019an diru-sarrera bikoiztuak kontabilizatzearen ondorio eta, era berean, 2018ko errola kontabilizatzearen ondorio, ekitaldi horretan ez baitzen diru-sarrerarik erregistratu kontzeptu horren izenean. Hiri-hondakin solidoen kasuan, izandako igoera ere ez da erreala, baizik eta 2017ko eta 2018ko ekitaldian diru-sarreraren zati bat bakarrik kontabilizatu izanaren ondorio.

— Transferentziak eta dirulaguntza arruntak: ehuneko 12 egin dute gora aztertutako aldiaren, batik batik, 2019an izandako igoeraren eraginez. Hala ere, zehaztu behar da igoera horren arrazoia dela, neurri batean, 2018ko ekitaldian GLLen finantzaketa-funtsen kontabilizazioan aplikatutako irizpideak aldatu izana, horrek eragina baitu ekitaldi horretako diru-sarrera txikiagoen erregistroan. Gainerakoan, aztertutako aldiaren diru-sarrerak izandako igoera, batez ere, zerga itunduetako partaidetzari (FOFEL) dagozkion diru-sarreraren bilakaerari zor zaio.

Funtzionamendu-gastuak: Aztertutako aldiaren ehuneko 9ko igoera izan zuten, sarrera arruntek izandakoaren aldean bi puntu azpitik. Hona hemen alderdi esanguratsuenak aurrekontuko kapituluaren arabera:

– Langile-gastuak: Aztertutako aldiaren ehuneko 5etik gorako urte arteko igoerak izan dituzte, eta gastuaren bariazioa, guztira, ehuneko 11koa izan da. 2019an izandako igoera, batez ere, aplikatutako soldata-igoerari, zenbait lanposturen destino-osagarrien aldaketari eta enplegu-planen bidez kontratatutako langileei dagokien gastuaren igoerari zor zaio.

– Ondasun arrunten eta zerbitzuen kontratazioa: Kontzeptu horrek eragindako gastua ez da ia aldatu 2018an aurreko ekitaldiarekiko, baina 2019an ehuneko 8ko igoera izan du. Igoera horretan eragiten dute kiroldegiaren 2017ko kudeaketa-defizitari dagokion gastuak, 106.688 eurorena eta kiroldegia kudeatzen duen enpresari egindako beste ordainketa batzuek, bai eta, neurri txikiagoan, energia elektrikoaren hornidura-gastuek eta ibilgetuaren konponketa- eta kontserbazio-gastuek izandako igoerak ere.

– Transferentziak eta dirulaguntza arruntak: Kontzeptu honek eragindako gastuak ehuneko 3 egin zuen gora 2018ko ekitaldian aurreko ekitaldiaren aldean eta 2019an gora egin zuen berriz gastuak; horren ondorioz, aztertutako aldiaren bariazioa guztira ehuneko 8 ingurukoa izan da. Igoera horietan bereziki eragiten du Aiarako Kuadrillarako ekarpenen bilakaerak, aztertutako ekitaldietan kapituluko gastu guztien ehuneko 25 inguru baitira.

Aurrezki gordina eta aurrezki garbia: Bi magnitudeek saldo positiboa erakutsi dute aztertutako aldiaren hiru ekitaldietan eta, gainera, goranzko bilakaera dute, epe horretan igoeren bariazioa, hurrenez hurren, guztira ehuneko 94 eta ehuneko 130 izan delarik; honela, bada, 2017ko ekitaldian sarrera arrunten gainean ehuneko 9 eta ehuneko 7 izatetik, 2019an sarrera arrunten ehuneko 15 eta ehuneko 14 izatera aldatu dira, hurrenez hurren.

Kapital-eragiketen emaitza: Magnitude honek saldo negatiboa izan du aztertutako aldi guztian, nahiz epe horretan sortutako aurrezki garbiak kapital-eragiketen defizit horri aurre egiteko lain eman duen.

Eragiketa ez-finantzarioen emaitza: 2017an negatiboa izan zen, baina positibo izatera aldatu zen aztertutako beste bi ekitaldietan, hein handi batean, inbertsio errealeen gastua murriztu izanaren ondorioz.

Diruzaintza Geldikina: Goranzko bilakaera izan du, eta 7 milioi euro inguruko zifra jo ditu aztertutako aldiaren amaieran; Epaitegi honek proposatutako doikuntzak kontuan hartuz gero, magnitudea 7,6 milioi eurorena da.

Zorpetzea: Aztertutako aldiaren hasieran indarrean zeuden eragiketak erabat amortizatu dira ekitaldian zehar; honenbestez, ez dago zorpetzerik 2019 itxieran.

Ondorioa: Udalak egoera ekonomiko onbideratua erakusten du, funtzionamendu normalari eusteko eta etorkizuneko inbertsioei zorpetu beharrik izan gabe aurre egin ahal izateko behar hainbat baliabide dituela. Hala ere, adierazi behar da 2020an diru-sarrerak nabarmen murriztea aurreikusi dela, bai bilketa propioa, bai zerga itunduetako partaidetza ere, COVID-19 pandemiaren ondorioz.

Aurrekontuaren egonkortasuna: Udalaren Kontu-hartzaileak txostena egin du aurrekontuaren egonkortasun-printzipioa eta gastuaren eta zor publikoaren araua betetzen dela adieraziaz. Txostenak Udalarari eta bere erakunde autonomoari dagokionez honako hau jasotzen du 2019ko ekitaldiko aurrekontuen likidazioa dela-eta:

– Aurrekontuaren egonkortasun helburua bete da, kopuru bateratuetan eragiketa ez finantzarioen superabita izan baitu.

– Gastuaren araua bete da, izan ere 2018ko ekitaldiaren aldean zenbakarria den gastuaren bariazioak ez zuen Espainiako ekonomiaren epe ertaineko BPGaren erreferentziatzko hazkuntza tasa gainditu (ehuneko 2,7).

– Zor publikoaren helburua bete du, Udalak ez baitzuen zorrik 2019ko ekitaldi itxieran.

V. Urteko Kontuak

V.1. Udala eta Amurrioko Udalaren Musika Fundazioa.

2019KO EKITALDIKO AURREKONTUAREN LIKIDAZIOA

Euroak Milakotan

SARRERAK	AURREKONTUA			ESKUBIDE KITAT.	KOBR.	KOBR. GABEA	% EGIK.
	HASIER.	ALDAK.	B. BETIK.				
1. Zerga zuzenak	3.078	—	3.078	3.057	1.514	1.543	% 99
2. Zeharkako zergak	390	—	390	395	109	286	% 101
3. Tasak eta bestelako sarrerak	1.964	—	1.964	1.657	1.131	526	% 84
4. Transferentzia arruntak	6.721	116	6.837	7.053	7.053	—	% 103
5. Ondare-sarrerak	699	—	699	718	705	13	% 103
6. Inbertsio errealen besterentzea	—	—	—	79	65	14	E/E
7. Kapitalezko transferentziak	1.648	547	2.195	443	443	—	% 20
8. Aktibo finantzarioak	10	1.744	1.754	9	9	—	(*) % 90
9. Pasibo finantzarioak	1.744	(1.744)	—	—	—	—	E/E
DIRU-SARRERAK GUZTIRA	16.254	663	16.917	13.411	11.029	2.382	% 79

(*) Exekuzioaren ehunekoa kalkulaterakoan Diruzaintza-geldikina txertatzearen eragina zuzendu da.

Euroak Milakotan

GASTUAK	AURREKONTUA			OBLIG. AITORT.	ORDAINK.	ORDAIN. GABE	% EGIK.
	HASIER.	ALDAK.	B. BETIK.				
1. Langileen gastuak	5.153	—	5.153	4.803	4.695	108	% 93
2. Ondasun arrunt eta zerbitz. kontrat.	5.286	33	5.319	4.569	4.396	173	% 86
3. Gastu finantzarioak	2	—	2	—	—	—	% 0
4. Transferentzia arruntak	1.797	(22)	1.775	1.629	1.310	319	% 92
6. Inbertsio errealak	3.803	694	4.497	1.231	1.166	65	% 27
7. Kapitalezko transferentziak	76	(42)	34	15	15	—	% 44
8. Aktibo finantzarioak	15	—	15	10	10	—	% 67
9. Pasibo finantzarioak	122	—	122	122	122	—	% 100
GASTUAK GUZTIRA	16.254	663	16.917	12.379	11.714	665	% 73

AURREKONTU ITXIEN BARIAZIOA

Euroak Milakotan

	HASIER. ZORRA	BALIOG.	KOBR./ ORDAIN.	AZKEN ZORRA
Kobratzeko dauden saldoak	3.349	441	2.315	593
Ordaintzeko dauden saldoak	1.082	8	705	369
AURREKONTU ITXIEN EMAITZA		(433)		

KONPROMISO KREDITUEN EGOERA

Euroak Milakotan

	2020	2021	2022	GUZTIRA
6. Inbertsio errealak	800	—	—	800
7. Kapitalezko transferentziak	180	52	51	283
GUZTIRA	980	52	51	1.083

AURREKONTUAREN EMAITZA	EUROAK MILAKOTAN
Eskubide kitatuak	13.411
Obligazio aitortuak	(12.379)
INDARREKO AURREKONTUKO ERAGIKETEN EMAITZA	1.032
AURREKO EKITALDIETAN KITATUTAKO AURREKONTUKO ERAGIKETEN EMAITZA	(433)
EKITALDIAREN AURREKONTUKO EMAITZA	599
Finantzaketako desbideratzeak	(193)
Diruzaintza geldikinarekin finantzatutako gastuak	—
AURREKONTUAREN EMAITZA DOITUA	406

DIRUZAINZTA GELDIKINA	EUROAK MILAKOTAN
DIRUZAINZTAKO FUNTS LIKIDOAK (A)	4.063
KOBRATZEKO DAUDEN SALDOAK 2019/12/31N (B)	5.634
Sarrerren aurrekontutik, arrunta	2.382
Sarrerren aurrekontuetatik, itxiak	593
Bestelako eragiketa ez aurrekontukoak	2.659
ORDAINTZEKO DAUDEN SALDOAK 2019/12/31N (C)	1.694
Gastuen aurrekontukoa, arrunta	665
Gastuen aurrekontukoa, itxiak	369
Sarrerren aurrekontukoa	1
Bestelako eragiketa ez aurrekontukoak	659
APLIKATZEKO DAUDEN KONTU-SAILAK (D)	211
Aplikatzeko dauden ordainketak	218
Aplikatzeko dauden kobrantzak	7
DIRUZAINZTA GELDIKINA GUZTIRA (F=A+B-C+D)	8.214
Zalantzazko kobragarritasuneko saldoak	(1.063)
Finantzaketa atxikia duten gastuetarako geldikina	(298)
GASTU OROKORRETARAKO GELDIKINA	6.853
ZORPETZEA 19.12.31N	—

EGOERAREN BALANTZEAK 2019 ETA 2018KO ABENDUAREN 31N

Euroak Milakotan

	2019	2018		2019	2018
AKTIBO EZ ARRUNTA	38.882	38.901	ONDARE GARBIA	45.203	44.681
Ibilgetu ez-materiala	201	194	Ekarrirako ondarea	14.767	14.767
Ibilgetu materiala	37.951	37.976	Sortutako ondarea	27.856	27.720
Lurraren ondare publikoa	666	666	Jasotako dirulag.,egotzi gab.	2.580	2.194
Taldeko enpresetan inbertsioak	60	60			
Epe luzeko inbertsio finantz.	4	5	PASIBO EZ-ARRUNTA	83	68
			Epe luzeko hornidurak	57	51
			Epe luzeko zorrak	17	17
			Hartzek. eta kobr. bst.zor batz.	9	—
AKTIBO ARRUNTA	8.502	8.113	PASIBO ARRUNTA	2.098	2.265
Zord. eta kobr. bst knt b.	1.831	2.331	Epe motzeko zorrak	489	690
Inbertsio finan. epe motz.	2.608	2.606	Hartzek. eta ord. bst kontu batz.	1.609	1.575
Eskud. eta best. akt. baliok.	(*) 4.063	3.176			
AKTIBOA, GUZTIRA	47.384	47.014	ONDARE GARBIA ETA PASIB., GUZTIRA	47.384	47.014

(*) 2019ko ekitaldi itxierako saldoa ia oso-osorik kontu korranteetako gordailuei dagokie, eskudiruko 1.170 euro eta kutzako aurrerakinen 421 euro izan ezik.

2019KO ETA 2018KO EKITALDIETAKO ONDAREAREN EMAITZA EKONOMIKOAREN KONTUA

Euroak Milakotan

	2019	2018
Zerga eta hirigintzako diru-sarrerak	4.949	4.578
Jasotako transferentziak eta dirulaguntzak	7.108	6.450
Salmentak eta zerbitzuen prestazioa	109	89
Kudeaketa arrunteko beste sarrera batzuk	835	637
KUDEAKETA ARRUNTEKO SARRERAK GUZTIRA	13.001	11.754
Langileen gastuak	(4.810)	(4.563)
Transferentziak eta emandako dirulaguntzak	(1.645)	(1.611)
Kudeaketa arrunteko beste gastu batzuk	(4.707)	(4.536)
Ibilgetuaren amortizazioa	(1.232)	(1.187)
KUDEAKETA ARRUNTEKO GASTUAK GUZTIRA	(12.394)	(11.897)
KUDEAKETA ARRUNTAREN EMAITZA (AURREZKIA EDO AURREZKI-EZA)	607	(143)
Arruntak ez diren beste partida batzuk	8	(8)
ERAGIKETA EZ FINANTZARIOEN EMAITZAK	615	(151)
Sarrera finantzarioak	14	10
Gastu finantzarioak	—	—
Balioaren narriadura, bajak eta finantza-aktibo eta -pasiboen besterentzeak	(58)	4
FINANTZA ERAGIKETEN EMAITZA	(44)	14
EKITALDIAREN EMAITZA GARBIA (AURREZKIA EDO AURREZKI-EZA)	571	(137)

V.2. Amurrio Bidean SA Udal Sozietatea.**EGOERAREN BALANTZEAK 2018KO ETA 2019KO ABENDUAREN 31N**

Euroak Milakotan

	2019	2018
AKTIBO EZ ARRUNTA	3	4
Ibilgetu materiala	3	4
AKTIBO ARRUNTA	222	220
Merkataritzako zordunak eta kobr. beste knt. batzu	149	124
Eskudirua eta bestel. aktibo likido baliokid.	73	96
AKTIBOA, GUZTIRA	225	224
ONDARE GARBIA	158	166
Eskrituran jasotako kapitala	60	60
Erreserbak	55	45
Ekitaldiko emaitza	2	10
Jasotako dirulaguntza, dohaintza eta legatuak	41	51
PASIBO EZ-ARRUNTA	5	1
Epe luzeko zorrak	5	1
PASIBO ARRUNTA	62	57
Epe motzeko zorrak	4	7
Merkat. hart. eta ordaint. beste kontu batzu	58	50
ONDARE GARBIA ETA PASIB., GUZTIRA	225	224

2018KO ETA 2019KO EKITALDIETAKO GALERA-IRABAZIEN KONTUAK

Euroak Milakotan

	2019	2018
Negozio zifratik zenbateko garbia	422	432
Hornidurak	(80)	(78)
Bestelako ustiaketa-sarrerak	1	—
Langileria gastuak	(181)	(169)
Bestelako ustiapen gastuak	(200)	(201)
Ibilgetuaren amortizazioak	(1)	(1)
Ibilgetu ez finantzarioko dirulaguntzak egozte eta veste	41	21
Hornidura gehiegizkoak	—	7
Beste emaitza batzuk	1	—
USTIAPENAREN EMAITZA	3	11
Gastu finantzarioak	(1)	(1)
EMAITZA FINANTZARIOA	(1)	(1)
MOZKINEN GAINEKO ZERGA	—	—
EKITALDIKO EMAITZA	2	10